



11

ADVERTISSEMENT

97

# D V MOYEN

PAR LEQUEL AISEMENT

TOVS TROVBLES ET DIFFERENS,

tant touchant la Croix, de laquelle y a si  
grande altercation en ceste ville de

Paris, que autres concernans

la religion, seront asso-  
pis & ostez:

Par M. René Benoist Angevin, Docteur regent en la  
faculté de Theologie à Paris.

A Messieurs les habitans de Paris.

*Da domine auxilium de tribulatione quia vana salus  
hominis. Psal. 52.*



A PARIS,

Ghez Thomas Belot, ruë S. Iehan de Latran.

1571.

AVEC PRIVILEGE DV ROY.

THE NEWBERRY  
LIBRARY

Case

F

39

326


15716

EXTRAICT DV PRIVILEGE

DV ROY.

**P**AR Privilege du Roy, est defendu à tous Libraires & Imprimeurs, & autres qu'il appartient, en quelque sorte & maniere que ce soit, d'imprimer ou vendre aucunes des œuvres de maistre René Benoist, Angevin, Docteur en Theologie à Paris, soyent de son invention, ou traduction, sinon au Libraire ou Imprimeur, auquel ledit Benoist en aura donné charge & puissance. Et ce iusques à neuf ans entiers & consecutifs, apres la premiere impression, qui sera faicte de chacun desdictes œuvres ou traductions, à peine de confiscation des livres imprimez par autres au contraire, & d'amende arbitraire. Ainsi qu'il est plus amplement contenu esdictes lettres de Privilege, sur-ce données à Paris, le quatriesme de Decembre, 1563.

Par le Roy en son Conseil.  
Signé Morin.



2124 A  
BIBLIOTHEQUE  
ROYALE  
DE FRANCE



## ADVERTISSEMENT DV

MOYEN PAR LEQUEL AISEMENT  
 tous troubles & differens tant touchant la Croix, de  
 laquelle y a si dangereuse altercation en ceste ville de  
 Paris, que autres concernant la religion seront assopis  
 & ostez.

Vbi abundauit delictum; superabun-  
 dauit gratia. Roma. 5.

*A Messieurs les habitans de Paris.*



E crains, & certainement ie  
 crains beaucoup, Messieurs de  
 Paris, que apres auoir esté  
 les ans passez spectateurs &  
 auditeurs des miseres & cala-  
 mitez des autres villes de ce  
 Royaume de long temps tres-

chrestien, à la parfin nous entriens en vn ieu plus  
 tragicque, & d'un reuississement plus miserable que  
 n'a encores esté veu ny ouy. Car puis qu'il est cer-  
 tain que toutes choses aduiennent par la disposi-  
 tion & prouidence de Dieu, lequel sans auoir acce-  
 ption de personnes iuge iustement selon les faicts  
 & œuures d'un chascun, ie ne pourrois me persua-

A ij,

der que le feu de la formidable iustice de Dieu, qui a chastié & purgé les autres villes, les pechez desquelles n'estoient que bois verd en comparaison des nostres, ne nous brusle & afflige beaucoup d'auantaige, qui sommes faicts le bois sec & nullement flexible & plioable aux tant frequens & apres aduertissemens de la parole de Dieu: laquelle (ô malheur) par vne damnable & pernicieuse obstination non seulement ne voulons effectuer, ains (grand & euident signe de reprobation & prochaine ruine) la contredisons, dentelons, mocquons, & blasphemons, qui a ordinairement esté le dernier mal fait des repprouuez & peuples prochains de leur extermination. Cela est verifié en ceux qui perirent au deluge, lesquels ce mocquoient des aduertissemens & admonitiōs à faire penitence que leur faisoit Noë: en ceux de Sodome & Gomorhe, lesquels affligeoient & de parole & de faict le bon Lot, qui les aduertissoit: en Pharao & es Aegyptiens, lesquels contemnoient les remonstrances que leur faisoient Moysé & Aaron, & les affligoient: à cause de quoy, ils furent submergez: es enfans d'Israel qui perirent es deserts, à cause qu'ils contredisoient aux aduertissemens de Moysé leur instructeur, conducteur, & pasteur, & contemnerent l'excellente viande de la manne, estans trop delicatement nourris d'icelle, & demanderent des puants aulx, & porreaux d'Aegypte: en iceux mesmes lesquels furent menez captifs, tant en Babylo-ne qu'ailleurs, pour n'auoir obey aux Prophetes & Prebftres, desquels non seulement ils mesprioient la doctrine & remonstrances, mais aussi les affli-

29 3

geoient : En Saul premier Roy du peuple d'Israël, lequel fut reprouué de Dieu, & puis occis par ses ennemys, pour auoir desobey à la parole de Dieu proposée par le Prophete Samuel. Nous lisons le semblable estre aduenü pour mesmes raisons aux Roys Roboam, Ieroboam, Ochozias, Achab, & assez d'autres, qui n'ont voulu croire & obeyr, ains ont repugnè à la parole de Dieu, & ont mocqué & affligé les ministres & annonciateurs d'icelle: ce que estre la cause principale de la ruine des hommes tant en general, que en particulier enseigne Iesus-Christ quand il dit aux Iuifs, contredisans à sa predication: Emplissez la mesure de voz peres ( qui est combler leur iniquité, pour estre du tout exterminéz. ) Serpens & engeance de viperes comment euiterez vous le feu d'enfer? Ce qu'ils ont fait contredisant à sa sainte predication, la contemnant, blasphemant, & puis le faisant mourir, pour icelle: comme depuis ils ont fait, mourir saint Estienne, saint Iaques & autres, à cause de quoy ils ont esté ruinez par les Romains bien tost apres. Cest ce qu'enseigne saint Paul, disant: que la terre qui reçoit la rozee, ( c'est l'instruction de la parole de Dieu ) & n'apporte fruct ( c'est a sçauoir foy, obeissance & autres bonnes œures ) est proche de malediction, reprobation & combustion. C'est pourquoy Iesus-Christ a dict que l'arbre que son pere n'a point planté, sera desraciné, & la branche qui ne porte fruct sera coupée & iectée au feu, & luy mesmes a donné malediction & fait seicher le figuier auquel il na trouué que les feuilles sans fruct, comme aussi il menace d'oster la vigne à

ceux, qui au lieu de luy produire bon fruit, estans aduertiz par les predicateurs & diligens Pasteurs, ils les ont contredits, repoussez & affligez. C'est pourquoy il menasse par Esaie laisser en friche & en abandon sa vigne, laquelle au lieu de grappes & raisins luy a produit des lambrusches : où entre autres punitions il la menasse principalement de luy oster ses hayes & murs, qui sont ses protecteurs & superieurs tant Ecclesiastiques que politicques, qui ne seront profitables & fauorables au peuple, pour lequel il sont ordonnez, ce pendant qu'il contemnera & transgressera la parole & sainctes commandemens de Dieu. Or comme le figuier a esté rendu sec & priué de ses belles & verdoiantes fucilles, à cause qu'il n'auoit du fruit, ainsi les Iuifs sont priuez de leurs ceremonies, & à present iustement les Chrestiens Catholicques en grande partie hypocrites, renians par œuures ce qu'ils confessent de bouche & parole, ne resentans & goustant au cueur par vne viue foy, esperance, & charité, ce qu'ils voient, oyent & touchent en la profession, & de la religion Catholique aussi mal obseruee que bien & sainctement elle a esté instituée, & ce tres-iustement : car si la viue foy qui est le fondement du bastiment spirituel defaut, ce n'est chose digne d'admiration si ce qui est basti dessus ne demeure entier. L'exercice & profession exterieure ne peut demeurer où defaut la vraye foy interieure, laquelle ne peut estre sans l'ouye, obeissance, reuerance, & obseruance de la parole de Dieu tout bon & tout puissant. Pourquoy ie ne m'esbahis si Dieu sans ordonnance duquel rien n'est fait, permet en ce



temps malheureux à cause de la corruption du peuple, et deprauation de tous estats, plus grande quelle n'est entre les Iuifs et infidelles, que les temples sont ruinez, les autels demolis, les Prebstrs faginantez, les Images des saincts brisees, et autres choses appartenantes à la profession exterieure de la vraye foy et religion Catholique, reiettees, mocquees, et blasphemees par ce que nous les auons prophanees nous mesmes par nos abus intolerables, lesquels ne voulons aucunement corriger, comme plus à plain auons par la grace de Dieu, deduict au liure du triomphe et victoire de la foy: comme aussi en celuy qui est inscript: *Modus tollenda religionis discordia*. Toutesfois ie ne puis que comme Dauid & Ieremie ont ploré & lamenté la ruine & prophanation du temple de Salomon, ie ne iecte profons souspirs & sanglots, quand ie nous vois reduicts à ceste misere extreme, que Dieu iustement oste la tour & forteresse de son Eglise militante, la vraye arche & sauuegarde des esleus & fideles, nous priuant de son enseigne le signe & image de la croix, protection ordinaire de tous les anciens & premiers Chrestiens. Les Anges & saincts gloriens, soldats de Iesus-Christ, batailleront ils pour nous quand ils ne verront plus avec nous l'enseigne de Iesus-Christ, leur chef & Capitaine? C'est la tour de laquelle parle Esaie 5. ch. laquelle il dict que Dieu demolira, à cause de la desobeissance de son peuple, comme vn Roy fait demanteler les villes, & abbattre les forteresses de ceux qui luy ont esté rebelles. En icelle les bons Chrestiens ont tousiours recognu & ado-

ré Iesus-Christ pour nous crucifié. Ils ont mis leur appuy, sauuegarde & protection, & pour c'est effect & vertu à esté recommandee à ce grand Empereur Constantin, & ce non sans grande raison, veu que les figures d'icelle ont esté tant souuent la sauuegarde & protection au vieil peuple, comme il apert. Exod. 12: contre l'Ange exterminateur contre la morsure des Serpens. Nomb. 21. & contre la punition & fureur de Dieu. Ezech. 9.

Nous ne scaurions certes auoir plus évidente demonstration de l'indignation de Dieu, & prochaine ruine que de veoir oster les armes, l'enseigne, & la sauuegarde de Iesus Christ, le signe & image de la croix, contre laquelle rië humain ne doit preualoir, considerant ce qu'est aduënu aux Philistins pour auoir veu empotter & remuer l'arche, chose de moindre mistere que la croix: les Bethsamites pour l'auoir veue à nud, comme pour l'auoir touchée: aussi à Balthasar pour auoir mis les vaisseaux sacrez & dediez en usage profane: iusques là il faut auoir en honneur les choses dediees au seruice de Dieu, & appartenantes à la religion. Quant nous sommes faiçts chrestiens, nous sommes armez de la croix au front, en la teste, en la poictrine & aux espaulës. Nous cognoissons & adorons en icelle Iesuschrist, nostre Dieu & Roy, par icelle nous faisons fuir les diables comme par frequentation & honneur d'icelle, Nous sommes distinguez d'auëc les heretiques & infidelles. C'est donc signe & argumët que Dieu nous reproüue quant il permet que nous sommes desarmez de les armes, & destituez de sa sauuegarde & protection. La Messe est grand cas,  
aussi

aussi est la prebstrise : mais le fondemēt de tout nostre bien c'est la croix & passion de Iesus Christ, de la profession & representation de laquelle Dieu ne nous permettroit estre tant dangereusement priuez si nous ne l'auions beaucoup offensé. Adam & Eue ont esté chassez hors le paradis terrestre, pour auoir osé toucher & manger estant seduiēt par l'astuce de fatan , le fruiēt de l'arbre de science de bien & mal, & nous ne serions punis prophanant , mocquant, blasphemant, rompant & brisant l'arbre de la sapie- ce diuine & mysteres treshaults, voire aussi en la- quelle a esté disposé & preparé le sainēt & diuin pain de vie qui nourrist nos ames en la S. Croix. Pourquoi ie vous prie ne nous arrestons à blasmer les magistratz, les princes, ni seulement à courir sur les hereticques & blasphemateurs de la Religion sainēte & bonne par emotions , & remuemens po- pulaires, qui ne sont tousiours proffitables, si Dieu ni fauorise, ains cognoissant qu'il n'y a mal en la vil- le que Dieu n'ait fait nous punissant iustemēt, pre- nons les armes de pleurs & oraisons, & nous humi- lions deuant sa maiesté; faisons vraye penitence, sans laquelle nous perirons , ne pouuans estre deliurez par les hommes, ce pendant que Dieu courroucé à cause de noz iniquitez bataillera contre nous, & nous punira iustement par ceux qui nous doiuent cōseruendre & garder. Car c'est luy qui estāt scrutateur des cueurs & consciences, & disposant toutes cho- ses en nombre, poids & mesure donne de bons, & permet de mauuais & pernicieux pasteurs, & en- seigneurs , selon que le peuple pour lequel toute puissance & superiorité est ordonnez, est disposé

& le merite. C'est luy en la main duquel sont les  
cueurs des princes & Rois, lesquels il tourne cōme  
il luy plaist, disant l'escriture, qu'il fait regner les hy  
pocrites à cause des pechez du peuple. Iob. 34. C'est  
luy qui donne le Roy en sa fureur, & l'oste en son  
indignation, Ozee 13. Tellement que en temps de  
punition & fureur de Dieu le peuple est puni & af  
fligé à cause de ses superieurs, & les superieurs à cau  
se du peuple n'estât facile à inger, lesq̄ls patissent le  
plus, sinō q̄ l'escriture dit q̄ les gr̄s endurerōt plus  
q̄ les autres, lesquels quāt ils ne vĕgēt ce qui est fait  
cōtre dieu, souuēt sont punis de dieu q̄ met la force  
au cuer, & les pierres es maīs du rude & imbecille  
peuple executeur de sa iuste sentence, par ceux les  
quels ilz doiuent regler & conduire, & punir selon  
leur vocation & autorité. Ne pensons donc que  
nous puissions estre deliurez et ostez de nos ennuis  
et troubles par les grans du monde, qui parauenture  
sont plus empeschez que nous, ains cognoissant  
par la foy et diuine instruction, que c'est Dieu qui  
abat et releue, qui mortifie et viuifie, qui humilie et  
exalte, qui a en sa main et puissance la disposition  
des Rois, royaumes, peuples et communautez, reco  
gnoissons-le, et chassant au loing ces pernicious  
dieux estranges qui sont cause de nostre ruine, les  
heresies, diuinations, libertinages, amour de nous  
mesmes, blasphemés, auarices, atheisme et semblables  
monstres, par lesquels malheureusement nous  
sommes separez de nostre Dieu, et seul protecteur  
et defenseur tout bon et tout puissant, lequel perni  
cieusement nous oublions et laissons en nos neces  
sitez, non sans idolatrie, mettant la chair infirme

nostre bras et puissance, ne considerans l'escriture, laquelle tant souuēt nous aduertist de ne nous cōfier és grâdeurs et puiffâces môdaines, ains en Dieu tout-puissant, lequel iamais ne delaisse ceux qui se fient et veritablemēt esperent en luy, qui veut estre inuouqué en nos tribulatiōs, et prend plaisir de nous en deliurer, à fin qu'il soit cognu auteur de tout nostre bien et cōme tel recognu, prié, serui, honoré, et adoré avec humbles actiōs de grâces, ce que si nous faisons comme il faut en pureté et siincerité, sans fard et hypocrisie, nous aurions l'abondâce des benedictions spirituelles, corporelles, et temporelles, lesquelles sont promises et proposees tant apertement, Leuit. 26. et Deut. 28. nous aurions des superieurs veillans pour nous, plus que pour eux: des magistrats et princes tels que au parauât, fauorisans et auançans l'honesteté et vertus, punissans le vice, et aimans et deschargeans leur pauvre peuple et subiects: ilz auanceroiēt l'honneur de Dieu, qui seroit la cause de tout leur bien et felicité cōme aussi nostre, nous ne verrions tant d'inconstances et mutabilitez dangereuses et beaucoup scādaleuses, principalement en la foy & religion, laquelle ne patist point de ieu, cōme Dieu n'a agreable vne promesse infidelle laquelle il punist durement, cōme il est manifeste d'Ananias et Sēphira, Act. 5. Nous ne serions moins constans que le payen Pilate, lequel ny pout la furieuse importunité des Iuifs, ny pour la menace de Cesar, n'a voulu consentir & permettre le tiltre de la croix de Iesuschrist estre osté ny changé, encores qu'il fust grandement ignominieux aux Iuifs. Nous ferions abonder la grace et amande ho-

norable ou le peché a abondé, ne permettant aucunement que Iericho soit reedifiée de peur d'encourir anatheme & excommunication, par l'expresse parole de dieu, ayant plus esgard à Dieu & à sa religion que à nos particuliers interets, sanctifiant & dediât les choses souillees & pollues, par offence d'heresie & idolatrie, son exercice & profession, plustost que au desauantage grand de l'autorité de la iustice, qui ne doit point estre craintiue ny muable, & scâdale public en matiere de religion rien châger de ce qui est tant sainctement arresté & executé pour reparer & au lieu mesme pour faire abonder la grace où a esté le delict; le blaspheme & iniure faicte à Iesus-christ & à sa sainte religion pour la quelle nous ne deuons espargner ny plaindre noz biens & vies si nous scauons et goustons que c'est d'estre chresties et enfans de Dieu.

Mais il faudroit estre assiste à bon escient de la grace de Dieu comme Moise, Iosué, Elie, Phinees, Iehu, Mathathias & semblables, pour enfoncer & vaincre contre toute crainte humaine, tout ce que s'oppose à la gloire de Dieu Eternel, & augmentation de sa sainte parole, foy & religion, ce que ne peut estre ce pëndant que ne ferons pœnitence, ains seruirons plus au diable qu'à Dieu, l'esprit duquel ne demeure es charnels mondains & malings, ains fortifie les humbles & petits, afin que la victoire apparaisse estre comme elle est de luy qui fait parler les enfans, & rend les foibles & debiles robustes, valides & forts. Je ne voy donc moyen d'euiter les dangiers qui de long temps nous menassent messieurs de Paris, que d'aller par vraye pœ-

nitence & humbles & sinceres prieres & inuocacions, à ce grand Roy tout puissant Dieu eternel, avec lequel il est necessaire auoir paix, si la voulons auoir entre nous, car il est le Dieu de paix & con corde, allons y donc & bien tost: Mais comme il faut en vraye foy esperance & charité sans hypocrisie, en vn cueur simple, veritablement contrict & non double comme nous lisons auoir fait Dauid, Daniel, Esther, Mardochee, Iudich, les Niniuites, & autres vrais fidelles & esleus de Dieu, lesquels ont brousté leurs ennemis avec les leurs, comme le bœuf l'herbe, remportant la victoire diceux, par humbles & fréquentes oraisons, confessans avec Daniel noz iniquitez, & celles de noz peres, recognoissant l'infinie misericorde de Dieu, en cela que nous ne sommes du tout peris et accablez; ce que bien auons merité par noz excez, debordemens et execrables pechez, lesquels ont irrité nostre Dieu contre nous, et merité que ayant abreuué les autres villes du hanap de son indignation, il nous ait reserué la lie, comme certainement iustement elle est deuë à nous, qui auons outrepassé toutes autres villes en pechez execrables, et principalement au mespris et contempt, que ie ne die blaspheme et persecution de sa parole et annoncia teurs d'icelle, laquelle iamais n'a esté mesprisee et contemnee sans grâde et manifeste punition, côme il appert de la punition de Coré, d'Athan, Abyron, et semblables. Pourquoy ie couclue avec saint Iaques: d'où auez vous entre vous guerres et debats, sinon des concupiscences et dereiglements, qui bataillent en voz membres? Vous desirez et cherchez

avec tout ardeur, ce que vous ne trouuez, par ce que vous ne le demâdez pas, vous demandez & n'obtez pas, parce que vous demâdez mauuaisement, à sçauoir pour satisfaire à voz concupiscences & affections dereglees & desbordees, vous souciant plus du temporel que du spirituel, & seruant à Dieu plus par acquit que par foy & sincere verité. Ce qui est manifeste en noz supplications publiques, dictes vulgairement processions generalles, esquelles lon ne voit l'ordre, deuotion, humilité, et attention necessaire pour obtenir de Dieu ce que luy demâdôs. Pourquoy ce n'est de merueille si nous n'obtenons ce que demandons, ains les choses vôt tousiours de pis en pis, principalemēt en matiere de la foy, et religion, de laquelle ayans perdu l'ame et esprit (pour ainsi parler) qui est la foy viue et operante par charité, ce n'est de merueille si nous perdôs le corps et vestemēt qui sont les choses externes, esquelles consiste et doit estre faicte la profession exterieure necessaire à salut. Telle est le signe et image de la croix laquelle qui abhorre: mais aussi n'ayme et honore, ne se peut iustement vendiquer le tiltre de Chrestien, veu pu'il n'ayme & suit l'enseigne de la Croix, de laquelle est venue l'exaltation de Iesuschrist, & toute la grâdeur & magnificence de la religio chrestienne, laquelle ne peut estre aucunement sans la croix interieurement & exterieurement honoree, contre laquelle rien humain quelconque chose que ce soit, ne doit preualoir si ne voulons estre à tousiours miserables, mais par cē qu'il est necessaire que Dieu nous soustienne & defende en la foy & profession d'icelle, et que sans luy rien humain ne



peut nous animer & deliurer des entreprinſes, me-  
nees, ligueſ & perfecutions de noz aduerſaires qui  
ſont enfans et fau orizés du ſiecle preſent, et que noz  
pechez empeschent qu'il ne nous aide & donne vn  
eſtat paiſible, ie concludé le preſent aduertiffement  
par ce qui eſt mon pretendu, qui eſt d'aduertir les  
bons Catholicques, de prendre l'armure de Dieu,  
pluſtoſt que les charnelles, bataillant par oraiſons  
ieufnes & autres œuures de pœnitence, par & ſoubs  
la conduicte des ſuperieurs Eccleſiaſtiques, par leſ-  
quels les oraiſons & autres bienfaicts, doyuent e-  
ſtre preſentez à Dieu, à la maniere des anciens &  
vrais & non hypoçrites Chreſtiens, ie vous prie  
dôc & exhorte avec & apres le Prophete Ioel ch. 2.  
prenez garde que le iour de la vengeance & puni-  
tion de Dieu, eſt grand & terrible. Qui eſt-ce qui le  
pourra ſupporter? Done conuertiffez vous en tout  
voſtre cuer, par ieufnes, pleurs & gemiffemens &  
brifez voz cueurs, & non voz veſtemens, & vous  
conuertiffez au ſeigneur voſtre Dieu: car il eſt be-  
ning, miſericordieux, patient & longanime & touſ-  
iours preſt à pardonner. Qui ſçait ſil nous fera en-  
cores grace & nous deliurera? Pourquoi ſonnez la  
trompette en Syon, ſanctifiez le ieufne, appelez la  
congregatiõ, assemblez le peuple, congregez l'Egli-  
ſe, appelez les vieillars, les petits, meſmes les enfans  
qui ſuccent la mammelle. Que le mary & la femme  
foy ſeparent du liçt, et que les preſtres miniſtres de  
Dieu, plorēt entre l'autel & le peuple, & diſent: Sei-  
gneur Dieu pardonnez, pardonnez à voſtre peuple,  
& ne permettez que voſtre heritage ſoit mocquee,  
& deſhonoree eſtant vaine, par les infidelles & e-

strangers, comme si vous n'estiez nostre Dieu tout puissant. Voyla ce que me semble necessaire d'estre fait en ces troubles dangereux. C'est pour le dire en vn mot, qu'il faut auoir recours à Dieu plustost que aux hommes, faisant vraye & non feinte penitence des abominations, impietez, & impuretez trop excessiues en ceste ville, nous punissant nous mesmes, de peur de l'estre asprement par noz ennemis, de la main desquels aucune puissance humaine ne nous pourra deliurer, ce pendant que Dieu les animera contre nous, les tenans en sa main comme la verge & baston de son indignation, pour nous punir plus ou moins selon la proportion de noz iniquitez: ce que si nous ne voulons faire, ie crains ceste sentence de Samuel. 1. des Roys chap. 12.

Si vous perseuererez en voz iniquitez, vous perirez avec vostre Roy, auquel vous auez recours plustost que à Dieu. Disons donc avec Dauid: seigneur Dieu deliurez nous de noz afflictions, tribulations, & dangers, & misereres, car c'est en vain que nous auons confiance es hommes imbecilles, trompeurs, & malings, donc nous mettons Dieu nostre force, & alors il reduira à neant ceux qui nous affligent. Pseau. 59.

*Latabitur iustus cum viderit vindictam. Psal. 57.*

*si hac scitis, beati eritis si feceritis ea. Ioan. 13.*



